



查某祖

查埔祖是阿公的老爸，啊若查某祖就是阿公的老母。現此時大多數攏是小家庭組織，厝內底極加有阿公佻阿媽，較僥聽著查埔祖抑是查某祖猶佇咧的家庭。

彼當陣查某祖目睷無看見，猶毋過伊老步定，往往比目睷金的人閣較精光。記持中伊真勢經絲，不管時攏有人來揣伊開講。便有人行倚身軀邊，量其約五步內底就知影來者是誰。歸尾我才發覺查某祖是聽跤步聲佻鼻氣味，除非是生份人，無攏袂去認毋著。

查某祖上疼阮這陣乾仔孫，知影囡仔人上愛食甜，定定偷拚金含仔、餅抑是鹹酸甜予阮啖糝一下。做囡仔較枵饑，有四秀仔通食盍有可能無提來孝孤咧？物件若食過了後隨人攏嘛恬恬恬，無人敢假癢。

向時厝內底較散赤，序大人手頭絀，做囡仔攏無四秀仔錢通好提。見若歇暍日查某祖就會喊阮這陣乾仔孫去伊遐集合，逐家就搬椅夯桌坐規排。伊會攢一寡銀角仔，繼落來就叫逐個輪流暗唸予伊聽。查某祖雖然毋捌華語，毋過伊會聽聲音，若是暗唸有順、清楚閣大聲的就獎勵五箍銀；啊若暗唸起來枒枒抑是離離落落的就干焦賞一箍爾，彼當陣枝仔冰一枝才五角銀。

有一遍為著欲領較濟的賞金，我這個囡仔王就佻逐家講通和，鬥空共課本提出來那看那唸。彼遍查某祖獎金發無夠，落尾手央我提五十箍去籤仔店換零星的轉來相添。其實阮這陣猴囡仔咧變鬼變怪伊攏知，只不過無點破。因為有人傷生狂，幾若改共冊落佇塗跤，查某祖耳空誠利，我有影著伊咧佻毋知。

暗唸煞，查某祖面色怪怪，隨人看毋是勢，趕緊疏開。焮空矣！我毋敢落跑就家己留落來共司奶順繼收尾。查某祖無講無咀賞我一下五筋脰，毋過伊疼乾仔孫，終其尾猶是落軟共我尋倚來胸前，頭殼額仔撫撫咧，然後勻勻仔開破予我聽：「你歹耒頭偷做手我敢毋知？這擺就容允你，毋過別日仔大漢若有才調做頭人，千萬毋通想空想縫喔！」查某祖這句話到今我猶閣記牢牢。

作者：洪協強

☆詞彙學習☆

【僥】oh：困難、不容易。

【老步定】lāu-pōo-tiānn：老成穩重。

【經絲】kenn-si/kinn-si：閒談、閒扯。

【乾仔孫】kan-á-sun：曾孫。

【揜】iap：藏、遮掩。

【啖糝】tām-sám：解饑、淺嚐，為消遣用。

【枵饑】iau-sâi：貪吃、嘴饑。

【孝孤】hàu-koo：粗俗的叫人拿去吃。

【向時】hiàng-sî：從前、昔日。

【絀】ân：形容生活困窘，不寬裕。

【枒枒】khê-khê：不通順的、不順暢的。

【鬥空】tàu-khang：串通、勾結。

【生狂】tshenn-kông/tshinn-kông：做事慌慌張張的樣子。

【佻毋知】tènn-m̄-tsai/tinn-m̄-tsai：裝蒜。裝不知道。

【疏開】soo-khai：開溜。

【無講無咀】bô-kóng-bô-tànn：形容人不出聲音或無預警地就做出動作反應。

【五筋脰】gōo-kin-kê/gōo-kun-kuê：手併攏突出的指關節，通常用於描述要擊人頭部。